

Na osnovu člana 32. Zakona o javnim nabavkama Bosne i Hercegovine („Službeni glasnik BiH“, broj: 39/14) i pravosnažne Odluke o dodjeli ugovora, br. 11-1591-8/17 od 23.02.2018. god., a nakon provedenog otvorenog postupka javne nabavke za kontinuiranu nabavku zamrznutog i konzerviranog povrća za potrebe KJU „Gerontološki centar“ Sarajevo, dana 03.05.2018. godine u Sarajevu, zaključuje se

## **OKVIRNI SPORAZUM ZA NABAVKU ZAMRZNUTOG I KONZERVIRANOG POVRĆA**

Između:

1. **KANTONALNA JAVNA USTANOVA „GERONTOLOŠKI CENTAR“ SARAJEVO, ul. Aleja Bosne srebrene br.7., Sarajevo**, registrovan kod Kantonalnog suda u Sarajevu pod brojem UF/I-2260/97 od 15.08.1997.god. i Općinskog suda u Sarajevu Rješ. Br. 065-0-Reg-07-000174 od 25.06.2007.god., identifikacijski broj kod Porezne uprave FBiH Kantonalni ured Sarajevo 4200092250001, koga zastupa Direktor Ismet Skoko, mr.sci.ecc. (u daljem tekstu: Ugovorni organ)

i

2. **TP DC „SARAJEVO“ d.d., ul. Rajlovačka bb, Sarajevo**, matični broj subjekta upisa 65-02-0034-11 (stari broj: 1-1647), identifikacijski broj kod Porezne uprave FBiH Kantonalni ured Sarajevo 4200115050005, identifikacijski broj obveznika PDV 200115050005, koga zastupa Direktor Hodžić Mirsad (u daljem tekstu: Dobavljač)

### Član 1.

Ovim Okvirnim sporazumom ugovorne strane su se sporazumjele da će Dobavljač tokom cijelog ugovorenog perioda kontinuirano snabdijevati Ugovornog organa **zamrznutim i konzerviranim povrćem**.

Okvirni sporazum se zaključuje na osnovu provedenog postupka javne nabavke objavljenog na portalu javnih nabavki broj: 897-1-1-117-3-21/17 dana 09.11.2017. godine i Odluke o izboru najpovoljnijeg ponuđača, broj: 11-1591-8/17 od 23.02.2018.godine.

Sastavni dio ovog Okvirnog sporazuma je prihvaćena Ponuda Dobavljača br. 1703/17 od 30.11.2017. godine, sačinjena prema specifikaciji iz tenderske dokumentacije Ugovornog organa.

### Član 2.

Ovaj Okvirni sporazum se zaključuje **na period od 3 (tri) godine**, a najkasnije do finansijskog ispunjenja i izbora novog dobavljača.

**U skladu sa Ponudom Dobavljača maksimalna vrijednost ovog Okvirnog sporazuma iznosi 49.263,75 KM, bez uključenog PDV-a.**

Maksimalna vrijednost ovog Okvirnog sporazuma bazirana je na maksimalnoj okvirnoj količini zamrznutog i konzerviranog povrća, koja se planira nabaviti u toku trajanja okvirnog sporazuma. Ukupna količina i ukupna vrijednost ugovora za ugovoreni period se ne može precizno utvrditi i planirati i zavisi od nastalih potreba Ugovornog organa u toku ugovorenog perioda.

Dobavljač se obavezuje na nepromjenljivost ponuđene cijene robe tokom cijelog ugovorenog perioda.

Ugovorni organ zadržava pravo potpune ili djelimične realizacije nabavke predmetne robe po Tenderškoj dokumentaciji, a u skladu sa Zakonom o javnim nabavkama Bosne i Hercegovine.

#### Član 3.

U toku primjene ovog Okvirnog sporazuma ugovorne strane će zaključivati jednogodišnje periodične ugovore, kojima će se detaljno regulisati prava i obaveze ugovornih strana.

Pri zaključivanju periodičnih ugovora ne mogu se mijenjati bitni uslovi iz ovog Okvirnog sporazuma.

U okviru ugovorenog perioda za pojedinačne nabavke roba neće se primjenjivati odredbe propisa kojim se uređuje postupak javnih nabavki.

#### Član 4.

Ugovorne strane su saglasne da se roba isporučuje sukcesivno, prema nastalim potrebama Ugovornog organa, na osnovu pojedinačnih narudžbi.

Narudžba robe će se vršiti prema potrebama Ugovornog organa, i to radnim danima od ponedjeljka do petka, do 10:00 sati ujutro, na osnovu pismene narudžbenice koja će se dostavljati dobavljaču prije isporuke robe, uz obavezne podatke o količini i vrsti robe.

Rok za isporuku robe je najkasnije 3 (tri) dana od dana prijema narudžbe, i to do 10:00 sati ujutro.

#### Član 5.

Osnov za plaćanje nabavljene robe jesu fakture/računi koje Dobavljač dostavlja Ugovornom organu za uredno izvršene nabavke, a na osnovu otpremnih dokumenata potpisanih od strane ovlaštenog lica Ugovornog organa i Dobavljača.

Ugovorni organ se obavezuje da će plaćanje predmetne robe vršiti zbirno mjesečno za svu robu isporučenu u toku jednog kalendarskog mjeseca, na osnovu ispostavljenih faktura-računa, i to u roku od 60 (šezdeset) dana od dana prijema fakture.

Za svako kašnjenje u plaćanju Ugovorni organ se obavezuje da Dobavljaču pored glavnice, bez bilo kakve daljnje opomene, plati zakonske kamate za kašnjenje, u visini stope zatezne kamate propisane zakonom.

Ukoliko Ugovorni organ zakasni sa plaćanjem, Dobavljač ima pravo, bez ikakve daljnje opomene, na posebnu naknadu u iznosu 100,00 KM.

#### Član 6.

Dobavljač garantuje Ugovornom organu da u poslovanju sa hranom provodi redovan sistem kontrole sigurnosti hrane prema odredbama Zakona o hrani („Službeni glasnik BiH“ br. 50/04), odredbama Pravilnika o higijeni hrane („Službeni glasnik BiH“ br. 4/13) i odredbama Pravilnika o brzo smrznutoj hrani za ishranu ljudi („Službeni glasnik BiH“ br.51/11), da ispunjavanju propisane zdravstvene uvjete za objekat, opremu i vozila namijenjena za proizvodnju i distribuciju zamrznutog i konzerviranog povrća u skladu sa Pravilnikom o higijeni hrane, te da vrši redovnu dezinfekciju, dezinskciju i deratizaciju objekata, opreme i vozila ponuđača.

Dobavljač garantuje zdravstvenu ispravnost isporučenog zamrznutog i konzerviranog povrća, kao i odgovarajući kvalitet.

Dobavljač garantuje da će svaki proizvod iz specifikacije isporučivati u skladu sa dostavljenom i prihvaćenom ponudom.

#### Član 7.

Ugovorne strane su saglasne u pogledu uvjeta koje Dobavljač mora poštovati prilikom isporuke robe:

- a) Dokumentacija – Svaka osoba koja sudjeluje u istovaru hrane mora kod sebe imati sanitarnu knjižicu koju na traženje odgovorne osobe za prijem hrane, mora dati na uvid;
- b) Prevozna sredstva – Mora se voditi računa o propisanom robnom susjedstvu u prevoznom sredstvu u pogledu vrste robe ili različitog temperaturnog režima. Temperatura hrane mora odgovarati dozvoljenoj koja je navedena na deklaraciji proizvoda.
- c) Hrana – Hrana mora biti u propisanoj i adekvatnoj namjenskoj ambalaži (transportnoj i pojedinačnoj). Deklaracija mora biti na jednom od službenih jezika koji su u upotrebi u BiH. Ukoliko postoji kategorizacija i/ili klasa zamrznutog i konzerviranog povrća prema kvaliteti, ista mora biti naznačena na deklaraciji.

#### Član 8.

Ugovorni organ zadržava pravo da u slučaju isporuke robe neodgovarajućeg kvaliteta, koja nije u skladu sa dostavljenom i prihvaćenom ponudom ili isporuke neodgovarajuće količine, izvrši povrat iste i da zahtijeva isporuku odgovarajuće robe po kvalitetu ili količini.

U slučaju povrata robe od strane Ugovornog organa zbog razloga navedenih u stavu 1. ovog člana, Dobavljač se obavezuje da će najkasnije naredni dan otkloniti razloge zbog kojih je izvršen povrat robe i isporučiti potrebnu robu.

U slučaju da Ugovorni organ na bilo koji način sazna da Dobavljač krši odredbe iz člana 6. i 7. ovog Okvirnog sporazuma zadržava pravo da ovaj Okvirni sporazum raskine, uz prethodno pismeno upozorenje Dobavljaču na mogućnost raskida ugovora uz navedenje razloga za raskid.

#### Član 9.

Kao preduslov za stupanje na snagu ovog Okvirnog sporazuma, Dobavljač će obezbijediti garanciju za uredno izvršenje ugovora u obliku безусловne bankarske garancije u iznosu od 3% od ukupne vrijednosti okvirnog sporazuma, odnosno u iznosu od **1.477,91 -KM**, sa klauzulom plativo na prvi pisani poziv korisnika garancije i bez prava prigovora, sa rokom važnosti: rok zaključenja okvirnog sporazuma + 30 dana.

Rok važnosti garancije je 3 (tri) godina od obostranog potpisivanja Ugovora.

#### Član 10.

Garancija za uredno izvršenje ugovora, kao garancija Dobavljača za dobro izvršenje posla i razumnu nadoknadu štete koja može nastati u slučaju da Dobavljač prekrši zaključeni Okvirni sporazum i ugovor, realizuje se u slijedećim slučajevima:

- u slučaju raskida Okvirnog sporazuma i ugovora krivnjom Dobavljača zbog kršenja odredaba zaključenog Okvirnog sporazuma i ugovora, pod uslovom da je prethodno pismeno obaviješten o svakom propustu da postupi po Okvirnom sporazumu i ugovoru i da u ostavljenom roku nije izvršio ispravku takvih propusta;
- u slučaju otkazivanja Okvirnog sporazuma i ugovora od strane Dobavljača prije isteka roka na koji je isti zaključen, pod uslovom da razlog za otkaz nije nastupio kao posljedica kršenja odredaba Okvirnog sporazuma i ugovora od strane Ugovornog organa;
- u slučaju kada je zbog kršenja odredaba zaključenog Okvirnog sporazuma i ugovora od strane Dobavljača, za Ugovorni organ nastupila šteta i neplanirani troškovi, a ugovorne strane se usaglase da zaključe Okvirni sporazum i ugovor i dalje ostanu na snazi, pod uslovom realizacije garancije na ime nastale štete i prouzrokovanih neplaniranih troškova.

Naplata garancije za uredno izvršenje ugovora vrši se u iznosu stvarno nastale štete i neplaniranih troškova za Ugovorni organ, nastalih u periodu važenja ovog Okvirnog sporazuma.

Garancija za uredno izvršenje ugovora realizuje se protekom roka od pet radnih dana od dana raskida, odnosno otkaza okvirnog sporazuma i ugovora, odnosno u roku od pet radnih dana od dana postizanja dogovora u slučajevima iz alineje 3. stav 1. ovog člana.

Ukoliko do isteka važnosti zaključenog Okvirnog sporazuma ne nastupi ni jedan navedeni razlog koji bi zahtijevao realizaciju garancije za uredno izvršenje ugovora, povrat sredstava garancije iz člana 9. stav 1. ovog Okvirnog sporazuma, vrši se u roku od pet radnih dana od dana prestanka važnosti Okvirnog sporazuma.

Ukoliko garancija za uredno izvršenje ugovora nije dostavljena na propisan način, shodno uslovima iz tenderske dokumentacije i u roku koji je odredio ugovorni organ, zaključen ugovor će se smatrati apsolutno ništavim. U tom slučaju ugovorni organ će ponuditi zaključivanje ugovora drugorangiranom ponuđaču.

#### Član 11.

Svi uslovi iz tenderske dokumentacije broj: 11-1591-1/17 od 30.10.2017. godine i ponude Dobavljača br. 1703/17 od 30.11.2017. godine čine sastavni dio ovog Okvirnog sporazuma.

#### Član 12.

Odredbe ovog Okvirnog sporazuma ne mogu se mijenjati nakon njegovog zaključenja.

#### Član 13.

Ovaj Okvirni sporazum stupa na snagu danom potpisivanja obje ugovorne strane.

#### Član 14.

Eventualno nastale sporove pri realizaciji ovog okvirnog sporazuma, ugovorne strane će rješavati mirnim putem, u protivnom, ugovara se nadležnost Suda u Sarajevu.

Član 15.

Svaka od ugovornih strana može otkazati ovaj Okvirni sporazum, pismenim putem, uz otkazni rok od 30 (trideset) dana iz razloga propisanih ovim Okvirnim sporazumom i Zakonom o obligacionim odnosima.

Član 16.

Ovaj Okvirni sporazum je sačinjen u četiri /4/ istovjetna primjerka, od kojih svaka ugovorna strana zadržava po dva /2/ primjerka.

DOBAVLJAČ

*P. Perićević*

Broj:

631

Datum:

04.05.2018



UGOVORNI ORGAN

Broj: 11-1591-10/17

Datum: 03.05.2018. god.

